



婦人良方 五

中武 9
584
25





卷之八

臨川陳白明編

吳郡薛

巴註

新

都

陔道政

○婦人小便淋瀝不通方論第一

婦人淋瀝由腎虛而膀胱熱也蓋膀胱與腎為表裏主於水行於脬者為小便也若腎虛則小便頻數膀胱熱則小便淋瀝甚則不通腹脹喘急當速治之

愚按前症若膀胱熱結用五淋散若脾肺虛熱用補中益氣湯加山藥五味麥門若脾經鬱熱用加味歸脾湯若肺經鬱火用黃芩清肺飲若肝經濕熱用龍膽瀉肝湯血虛用加味逍遙散陰虛用六味丸加柴胡山梔大抵不渴者不利者熱在下焦血分也用

飲尺脈數而無力者。診少盛而陽不化。丸為主。尺脈浮而無力者。陽氣虛而陰不能生。用加減八味丸滋腎丸為主。

附治驗

一婦人素有前患。內熱體倦。余以為肝火血少。脾氣虛弱。用八珍逍遙二散兼服。月餘而小便利。又用八珍湯而氣血復。一婦人患前症。面青脇脹。諸藥不應。予以為肝經氣滯而血傷。用山梔川芎煎服而愈。一婦人小便不利。小腹并水道秘悶。或時腹脇脹痛。余以為肝火用加味逍遙散。加龍膽草四劑。稍愈。去膽草。佐以八珍散。加炒黑山梔兼服而痊。石臺湯治小便實熱氣滯淋瀝。

石韋

黃芩

木通

榆白皮

葵子

薯蓣

甘草

石鹽水煎服

雞蘇散 治血熱淋瀝

雞蘇葉

木通

生地黄

滑石

刺薊根

右每服半兩。淡竹葉三七片水煎。

桃仁煎

治血瘦小便如淋。臍腹脹痛。方見血瘦門第七卷第九論。

火府丹

治心經積熱小便澀。及五淋。加甘草名導赤散。

生地黄

木通

黃芩

右加蜜丸。桐子大。每服三十九。木通煎湯下。

○許學士云。一卒病渴日飲水斗許。不食者三月。心中煩悶。時已十月。余謂心經有伏熱。與火府丹數服。一日來謝云。當日三服渴止。又三服飲食如故。此本治淋。

通變也

一方牛膝一合水煎入麝香少許服之鄞縣耽

疔夢得其肉

患淋下砂石剝剝有聲甚為苦楚一服而愈

附方
滋腎丸 治熱在血尿不渴而小便不利或腎虛足熱腿膝無力不能履地又下焦陰虛小便不利肚腹腫脹或皮膚張裂眼睛突出此神劑也

知母 酒炒 黃柏 酒炒 各二兩 肉桂 二錢

右各另為末水丸桐子大每服二百丸空心百滾湯下

黃芩清肺飲 治肺熱小便不利宜用此藥清之

黃芩 炒 山梔 炒各一錢 右水煎服不利加鹽豉二十粒

五淋散 治膀胱有熱水道不通淋瀝不出或尿如豆汁或成

砂石或如膏汁或熱拂便血

赤茯苓 一錢 赤芍藥 山梔 各一錢 當歸

甘草 各一錢 右入燈心水煎服

補中益氣湯 方見二十四卷第六論

八珍湯

加味歸脾湯

加味逍遙散 三方見二十四卷第四論

龍膽瀉肝湯 方見二十四卷第八論

加減八味丸

六味丸 二方見二十四卷第十一論

婦人脬轉小便不利方論第二

婦人脬轉或內熱傳搏於胞或忍小便氣逆於內 小腹急

婦人脬方

婦人脬方

婦人脬方

痛不得小便甚者至死。

愚按前症不問男女孕婦轉筋小便不利命在手掌非八味丸不能救餘察前後論主治。

附治驗 餘見第十五卷

一婦人小便淋瀝小腹脹悶胸滿喘急諸藥不應余視為轉筋之症用八味丸一服小便如湧而安。

一婦人因鬱怒小便滴瀝漸至小腹腫脹痰咳喘促余用八味丸料煎服小便即利而痊。

一婦人素善怒小便淋瀝不利月經不調半載矣或兩脇脹悶或小腹作痛或寒熱往來或胸乳作痛或咽喉噎塞或兩

脚筋攣或肢節結核面色青黃不澤形氣日瘦左關弦洪右關弦數此鬱怒傷肝脾血虛氣滯為患朝用加味歸脾湯以

補脾氣解脾鬱祛肝火夕用滋腎丸生肝散滋腎水以生血抑肝火舒筋膜兼服月餘而愈。

滋腎生肝飲

山藥

山茱萸

內各一錢

熟地黃

自製二錢

澤瀉

茯苓

牡丹皮

各七分

五味子

杵炒五分

柴胡

白朮

當歸

甘草

三分

右水煎服

葱白湯

治氣滯小便不通腹脹欲死。

橘皮

葵子

一兩

葱白

一莖

右水煎分三服

八味丸

治脬轉小便不通殊有神効但世所不用以致誤人多矣。方見二十四卷第十一論

多矣。方見二十四卷第十一論

滑石散

治脬轉小便數日不通。

滑石

一兩

寒水石

二兩

葵子

一合

右為末以水一斗。煮至五升。時服一升即利。

又方

亂髮燒灰

葵子

車前子各等分

右為末每服二錢酒調下。

石韋湯 治脬轉小便不通方見前

治強忍小便致脬轉尿不利困篤欲死

滑石二兩 亂髮灰一兩

右為末每服三錢。桃白皮一觔細切熟杵入水三盞絞取汁調服。

千金翼用杏仁三十粒麩炒黃嚼細水送下立通

一方卑角為末吹鼻內取嚏。

○婦人小便數方論第三

小便乃腎與膀胱主之。蓋腎氣通於陰。若二經虛而熱乘之則小便澁滯。虛則頻數也。

愚按前症若肝經火動用逍遙散加龍膽草。車前子。膀胱火動六味丸加麥門五味。肝腎濕熱龍膽瀉肝湯。驚傷肝脾加味道遙散加味歸脾湯。肝脾肺氣虛補中益氣加麥門五味。肝經血虛加味道遙散。腎氣虛鹿茸散。如不應入八味丸。

附治驗

一婦人患前症小便頻數。日晡熱甚。此肝脾血虛氣滯而兼濕熱也。用加味道遙散加車前子而愈。

一婦人患前症發熱煩躁。面目赤色。脈洪大而虛。余謂此血虛發躁。用當歸補血湯數劑而痊。

一婦人久患前症。泥屬於火。雜用寒涼止血之劑。虛症悉具。

效入胃力 薛氏醫抄卷之九 五
余曰此脾胃虧損而諸經病也當補中氣為主遂以六君補
中二湯兼服兩月餘尋愈。

桑螵蛸散 治腎氣虛寒小便數少或時頻數或夜間尤數。

桑螵蛸三十枝炒 鹿茸炙 牡蠣煨 甘草炒二兩

黃芪炒

右為末每服二三錢食前空心用薑湯調下日二服

烏藥丸 治脾胃氣虛寒小便頻數或遺尿不止小兒尤効。

烏藥 益智仁等分

右為末酒煎山藥末為糊丸桐子大每服七十九薑酒或米

飲下。

鹿茸散 治腎氣虛寒便溺數甚或夜間頻數遺溺。

鹿茸炙 烏賊魚骨 桑寄生 當歸

龍骨各二兩

白芍藥炒

附子炮各三錢

桑螵蛸炙五錢

右為末每服二錢空心并食前用溫酒調下作丸服亦可凡

用附子重一兩二四錢底平頂圓周圍有瓣者方是。

附方

當歸補血湯

八味丸

六味丸

加減八味丸 四方見二十四卷第十一論

逍遙散

加味逍遙散

加味歸脾湯 三方見二十四卷第四論

六君子湯

六君子湯

補中益氣湯 二方見二十四卷第六論

○婦人遺尿失禁方論第四

經云膀胱不利為癰不約為遺溺乃心腎之氣失其常度也故有便道溢而遺者有失禁而不知自遺者亦有生產傷膀胱不時而遺者有脾寒臟冷遺而不知者

愚按內經曰胞移熱於膀胱則癰溺血膀胱不利為癰不約為遺溺注曰膀胱為津液之府水注由之然足三焦脈實約下焦而不通則不得小便足三焦脈虛不約下焦則遺溺也靈樞經曰足三焦者太陽之別也並太陽之正入絡膀胱約下焦實則閉癰虛則遺溺竊謂前症若肝腎虛熱挺孔痠痺用六味丸如不應用加減八味丸陽氣虛憊膀胱積冷用鹿茸丸如不應用八味丸若脾氣虛弱不能禁止用補中益氣

湯加山藥山茱五味若肺氣虛寒前湯加桂附此症者多真寒者少治宜審察

附治驗 陽小便遺尿

一婦人小便自遺或時不利日晴益甚此肝熱陰挺不能約制用六味丸料加白木酒炒黑黃柏七分知母五分數劑諸症悉愈若誤用分利之劑愈損真陰必致不起

一老婦患前症惡寒體倦四肢逆冷余以為陽氣虛寒用補中益氣加附子三劑不應遂以參附湯四劑稍應仍以前藥而安附子計用四枚人參三斤許

一婦人病愈後小便出尿此陰陽失於傳送名大小腸交也先用五苓散二劑而愈又用補中益氣湯而安

鹿茸丸 治陽氣虛寒小便白濁滑數不禁或臍腹

陰冷大便不實

鹿茸炙

椒紅

桂心

附子炮

牡蠣煨

補骨脂炒

石斛

肉苁蓉酒浸

雞脬炙

沉香各一兩

桑螵蛸炙二錢

右為末。酒糊丸。桐子大。每服三十九空。心溫酒下。

秘元丹 治陽氣虛。小便不禁。或夜多小便。頻數。

白龍骨煨三兩

訶子十箇

縮砂去皮一兩

右為末。糯米丸。桐子大。每服五十九空。心溫酒下。

又方。鹿角。鎊炒為末。每服三五錢。空心熱酒調下。

又方。雞脬。炙為末。每服二三錢。空心酒調下。日二三服。

又方。桑螵蛸。酒炒為末。每服二錢。空心薑湯調下。

附方

六君子湯

補中益氣湯

二方見二十四卷第六論

六味丸

加減八味丸

三方見二十四卷第十一論

八味丸

方見十九卷第六論

參附湯

方見二十一卷第九論

五苓散

方見二十一卷第九論

○婦人小便出血。方論第五

心主於血。通行經絡。循環臟腑。若得寒則凝。溢得熱則妄行。失

其常道。則溢滲於脬。則小便出血也。

愚按前症。肝經血熱者。加味逍遙散。怒氣血傷者。加味逍遙

散。調送髮灰。若肝經風熱。用前散。送子芩丸。氣血俱虛者。八

珍散送髮衣膏梁積熱者清胃散加槐花甘草風熱腹胃者
四君子加防風枳殼胃氣不能攝血者補中益氣湯鬱結傷
脾不能攝血者濟生歸脾湯

附治驗

一婦人尿血因怒寒熱或頭疼或脇脹此肝血虛而肝火盛
用加味逍遙散而血脹止補中益氣加蔓荊子而頭痛痊後
鬱怒腹痛尿血仍用前散加龍膽草并歸脾湯治之將愈又
因飲食所傷復作心忡不寧徹夜不寐仍用前湯而痊
一婦人尿血面黃體倦飲食不甘晡熱作渴此脾胃氣虛不
能攝血歸經用補中益氣以補胃氣用歸脾湯以解鬱結更
用加味逍遙散以調養肝血而痊
一婦人小便出血服四物蒲黃之類更加發熱吐痰加苓連

之類又飲食少思虛症蜂起肝脈弦而數脾脈弦而緩此
肝經風熱為沉陰之劑脾傷不能統攝其血發生諸臟而然
也余用補中益氣湯六味地黄丸而痊

鹿茸散 治勞損尿血發熱內熱或寒熱往來口乾作渴

鹿茸

當歸

熟地黄

葵子

蒲黃

續斷

右為末每服二錢酒調日服

髮灰散 治起居所傷小便尿血或忍尿脬轉臍下急痛小便
不通又治肺疽心衄內崩吐血舌上出血用亂髮燒灰本草
療瘀血通關隔利水道破癥瘕癰腫孤疝刺
痛在雜瘡瘵脬轉通大小便止咳嗽鼻衄

右每服二錢以米醋湯調服

生地黄散 治血熱小便出血

生地黄

黃芩

阿膠

柏葉

右水煎服

當歸散 治血分有熱小便出血或時尿血

當歸

羚羊角

赤芍藥 各半 生地黄

刺薊葉 各一錢

右水煎服

又方治血分有熱用生地黄杵取汁每用一小盞日三服

又方治血分有熱小便尿血用炒蒲黃末每服二錢溫酒調下

滾湯亦下

又方腎虛鹿角膠二兩炙黃為末作二服長流水調

附方

八珍散

加味逍遙散

歸脾湯 三方見二十四卷第四論

子芩丸

方見十二卷第六論

清胃散

方見二十四卷第一論

四君子湯

補中益氣湯

二方見二十四卷第六論

○婦人六便不通方論第六

夫大便不通者由臟腑不調寒熱之氣結於腸胃或經水過多內亡津液宜用三脘散或四物加青皮或七宣丸麻仁丸送而用之

愚按前症或大腸津血乾涸或血虛火鑠不可計其日期飲食數多必待腹滿脹自欲去而不能者乃用猪膽汁潤之若妄服苦寒辛散之劑元氣愈傷或通而不止或成中痞之症大抵血虛火燥用加味逍遙散氣血俱虛用八珍湯燥藥傷

血用四物連翹甘草剋伐傷氣用四君川芎當歸內熱作渴飲湯脈實竹葉黃芪湯內熱作渴飲冷脈瀉用四物送潤腸丸肝膽剋脾土而不能輸送用小柴胡加山梔郁李仁腸胃氣虛而不能傳送用補中益氣加芍藥厚味積熱而秘結用清胃散加芍藥其有熱燥風燥陽結陰結皆不宜損中氣治者審之

附治驗

一婦人痰喘內熱大便不通兩月不寐脈洪大重按微細此屬肝肺腎虧損朝用六味丸夕用逍遙散各三十餘劑計所進飲食百餘碗腹始痞悶正前所謂血虛火燥也以猪膽汁導而通之用十全大補湯調理而安

通神散 治大便實熱不通其證心腹脹痛手不得近心胸煩

開胃飲食者

大黃

芒硝

檳榔

桃仁

郁李仁

湯浸去皮微炒各一兩

右為末每服二錢粥飲調

大麻仁丸

治腸胃風結大便常秘而欲飲食者

大麻仁

別研如膏二兩

檳榔

木香

枳殼

麩炒各一兩

右為末入麻仁煉蜜丸桐子大每服二十九溫水下

阜角丸

治大腸經有風大便秘結而不堅實者

阜角

天去子

枳殼

麩炒等分

右為末煉蜜丸桐子大每服七十九空心米飲下

蘇麻粥順氣滑腸用紫蘇子麻子仁水研取汁煮粥食之

瀉腸丸

治伏火風熱大腸乾燥若因失血或因腎虛當滋腎

瀉腸丸

治伏火風熱大腸乾燥若因失血或因腎虛當滋腎

七

疏百十二

水最忌此丸

麻子仁

桃仁去皮尖另研各一兩羌活

當歸尾

大黃煨

阜角仁

秦艽各五錢

右另研為末煉蜜丸每服五十丸空心白湯送下如直腸
濫用猪膽汁導之亦忌前藥

附方

加味逍遙散

八珍湯二方見二十四卷第四論

補中益氣湯

四物湯

四君子湯三方見二十四卷第六論

竹葉石膏湯方見十三卷第十論

小柴胡湯方見二十四卷第二論

清胃散方見二十四卷第一論

瘡科竹葉黃芪湯方見二十四卷第四論

○婦人老弱風人便秘戒用利藥方論第七

初虞世云肺主氣肺氣不降則大腸不能傳送宜用杏仁枳殼
訶子等藥若老弱風人津液短少大便秘澀用胡麻杏仁麻仁
阿膠阜角之類每見用駛利之藥大便雖通精血復傷反致他
病一男子病風淫未疾或用駛藥利之患肺痿咯膿血至大便
不通而死惜哉

愚按前症若胃強脾弱津液不得四布但輸膀胱小便數而
大便難者用脾約丸若陰血枯槁內火燔灼脾肺失德大便
秘而小便數者用潤腸丸此丸若用之於熱甚氣實與西北

稟厚者無有不効。若用於東南及虛熱而氣血不足者，則脾愈弱而腸愈燥，反致虛痞矣。此東垣先生之治法也。其搜風順氣丸，中貴及西北人用之多効。東南人用之無不致害。

附治驗

一老婦大便欲去而難去，又不堅實，腹內或如故，或作脹，兩關尺脈浮大。余以為腸胃氣血虛弱，每服十全大補湯，加肉蓯蓉，去後始快。若問二三日不履，腹內仍脹，大便仍難。

搜風順氣丸

治痔漏腸風，風熱閉結，元氣充實者。

車前子

一兩

大麻子

微炒

大黃

五錢

牛膝

酒浸

郁李仁

湯泡

鬼絲

酒浸

枳殼

麩炒

山藥

各二錢

右為末，煉蜜丸，桐子大，每服三十九，空心白湯送下。

子和脾約丸

麻仁

一兩

枳殼

麩炒

厚朴

薑製

芍藥

各一兩

大黃

四兩

杏仁

去皮尖炒

右為末，入杏仁膏煉蜜丸，梧子大，每服三二十九，空心用湯送下，內杏仁研爛。

○婦人泄痢秘結方論第八

經云：春傷於風，夏必飧泄。蓋本刑土也。土不能滲泄，則水氣勝，故津液燥而秘，不可專以風治。張氏母年七十，患痢頻數，屢膠拘攣，百方不愈。用葵藜酸棗仁治之，即愈。黃魯直苦秘結，亦用前藥而愈。故受症有不同也。

愚按前症，若因足三陰虧損發熱作渴，胸膈不利，飲食善消，面帶陽色，脈洪而虛，肢體倦怠者，用補中益氣湯。六味地黃

九脾肺氣虛。補中益氣湯。脾經鬱結。用加味歸脾湯。氣血俱虛者。八珍加肉蓯蓉。腎經津液不足者。六味地黃丸。胃火消鑠。津液。竹葉黃芪湯。肝木侮脾土。小柴胡加山梔郁李仁枳殼。膏粱積熱。清胃散。加山梔郁李仁枳殼。若燥在直腸。用猪膽導之。

附治驗

一老婦大便月餘不通。痰喘內熱。不得就枕。脈洪大。重按微細。朝用六味丸。夕用逍遙散。各五十餘劑。計進飲食百餘碗。小腹始悶。此火燥而消鑠也。以猪膽汁潤之。用十全大補而安。後仍不通。用八珍。倍加蓯蓉常服而通。

治風入大便或秘

早莢子

三百粒。破作兩片。慢火炒燥。入酥一盞。大又炒燥。又入酥至焦黑為度。

右為末。蜜丸。桐子大。每服三十九。煎蒺藜酸棗仁湯。空心下。良久未利。再服。漸加至百丸。以通為度。

疾藜湯。用蒺藜炒。去刺三兩。酸棗仁炒。香一兩。每用五錢。水一盞。煎七分。去滓。送下前丸。

大五柔丸。治臟氣不調。大便難利。或為秘結。堅硬。

大黃飯上蒸。焙末。枳殼去穢。白芍藥末。葶藶炒為末。

牛脂熬油。薤蓉酒浸。焙。桃仁百枚。去皮。尖。研。杏仁四十枚。去皮。尖。研。

二仁丸。右和勻。煉蜜丸。桐子大。米飲下。三十九。日三服。為度。

杏仁去皮尖。炒黃。麻仁別研。枳殼去穢。炒為末。訶子炒去核。

右用煉蜜丸。桐子大。每服三十九。溫水下。未利。增之。蜜先法。用好蜜四五兩。石器中。微火熬。不住手攪。候可丸。以蛤

精。入。...

婦人頭方
紛塗手捏如指長三寸許人大孔內以手掩良久即通未通
再作文潞公泄利求速効用石脂龍骨等藥便秘累日甚苦
余告曰此燥毒在直腸藥所不及請以蜜導之下結糞四五
十枚而愈

通氣散 治虛人憂怒以致傷肺與大腸不能傳送

陳皮 蘇葉 枳殼麩炒 木通各一錢

右水煎服

卓角丸蘇麻粥亦佳見前

附方

補中益氣湯 方見二十四卷第六論

六味丸 方見二十四卷第十一論

加味歸脾湯

八珍湯

逍遙散

加味逍遙散

十全大補湯 五方見二十四卷第四論

竹葉黃連湯 方見二十四卷第二論

小兒月事 方見二十四卷第二論

清肝散 方見二十四卷首論

婦人泄瀉方論第九

論曰泄瀉之症因腸胃虛冷而邪氣乘之經云春傷於風夏必
飧泄蓋風傷肝肝木旺而剋脾土屬外因也若七情不平臟氣
受傷屬內因也若飲食生冷傷脾屬不內外因也大法寒者溫
之熱者涼之滑者澀之濕者燥之

婦人頭方
海氏醫案卷之八
左
卷一百十六

愚按前症若生冷所傷用六君木香砂仁辛熱所傷用二陳
炒蓮山梔麩食所傷用六君神麩米食所傷用六君穀蘖飲
食不時而傷用四君子湯飲食過多而傷用六君子湯飲食
停滯人參養胃湯脾氣虛弱者六君升麻柴胡脾氣虛寒六
君木香炮薑肝木乘脾者六君柴胡芍藥肝火剋脾者六君
芍藥山梔中氣虛而下陷者補中益氣湯鬱結傷脾者濟生
歸脾湯腎氣虛者五味子散脾氣虛者二神丸脾腎虛者四
神丸命門火衰者八味丸真陽虛敗者固真丸仍與滯下方
參用。

附治驗

侍御沈東江之內停食腹痛作瀉以六君加木香炮薑而愈
後復作傳為腎泄用四神丸而安

侍御徐南湖子室瀉屬腎經不信余言專主滲泄以致不起
一婦人年踰五十不食夜飯五更作瀉二十年矣後患痢午
前用香連丸午後用二神丸各二服而痢止又以二神丸數
服而食夜飯不月而形體如故

吳江史玄年母素有血疾始將二紀平居泄瀉飲食少思面
黃中滿夏月尤甚治血之藥無慮數百劑未嘗少減余以為
脾腎虛損用補中益氣湯送二神丸復用十全大補湯煎送
前丸食進便實病勢頓退若泥中滿忌參朮痰痞忌熟地便
泄忌當歸皆致誤事。

桂香丸 治虛寒滑泄腹痛或嘔吐不食手足逆冷。

附子 炮 肉荳蔻 丁香 桂心

白茯苓 各一兩 木香 炮 白乾薑 炮 各一兩

右為末米糊丸桐子大每服五十丸空心米飲下

胃苓散 治脾胃所傷吐瀉不止水穀不分即五苓散合平胃散

右每服五七錢用薑棗水煎空心服仍節飲食

木香散 治臟腑虛寒下泄米穀口舌生瘡或嘔吐不食

木香煨 破故紙炒各一兩 良薑

厚朴製各三錢 赤芍藥炒 橘紅

白朮各半兩 胡椒 吳茱萸各一錢 肉荳蔻煨

檳榔一箇

右為末每服三錢用猪肝四兩批薄以藥摻拌量入水醋鹽
葱薑煮乾空心頓食或丸桐子大每服百丸粥飲下日三服

○府博趙宜人患泄瀉諸藥無效診之曰此肝腎虛也服前
散而愈經曰洩痢前後不止腎虛也又曰諸厥固泄皆屬於

下下謂下焦肝腎之氣也門戶東要肝之氣也用氣厥而

行故下焦不能禁固而泄痢腎為胃關門戶不要故愈屢不

藏也

香蓮丸 治痢疾并水瀉暑瀉腹痛不問赤白神效

黃連淨二兩 吳茱萸去枝梗十兩

右先將二味用熱水拌和入磁器內置熱湯頓一日同炒至
黃連紫黃色去茱用連為末每末四兩入木香末一兩淡醋

米飲為丸桐子大每服二三十丸滾湯下久痢中氣下陷者

用補中益氣下中氣虛者用四君子下中氣虛寒者加薑桂

三黃丸 治熱痢腹痛或口舌生瘡咽喉齒痛及一切實火之

黃芩 黃連 黃柏各炒等分

右各另為末水糊丸桐子大每服七八十丸白湯下

芍藥湯 治熱痢便血後重經曰溲而便膿血此氣行而血止也
行血則便自愈調氣則後重自除

芍藥 兩 炒

當歸 一

黃連 半兩 炒各

檳榔

木香

甘草 二錢 各

桂 五分

黃芩 炒 五

右每服半兩水煎如不減加大黃此症多藉因中氣虛弱脾氣鬱結者治當審察

二神丸 加五味二兩吳茱萸 治脾腎虛弱便後五更作瀉或全不思食或食而不化大便不實神效

破故紙 四兩 炒

肉豆蔻 二兩 生用

右為末用大紅棗四十九枚生薑四兩切碎同棗用水煮熟去薑取棗肉和藥丸桐子大每服五十九丸空心鹽湯下

五味子散 治腎經虛弱大便不實或夜間或五更泄瀉

五味子 兩 炒

吳茱萸 半兩

右為末每服二錢空心米飲調下其效如神米糊為丸亦可

白朮芍藥湯 治脾經受濕水泄注下體重腹滿形體倦怠不欲飲食或暴泄無數水穀不化

白朮 炒

芍藥 二錢 各

甘草 一 錢

右水煎服

茯苓湯 治濕熱泄瀉或飲食傷瀉

白朮 炒

茯苓 各五 錢

右用水煎食前服一方有芍藥等分名白朮故

溼濕湯 治寒濕所傷身重腰冷如坐水中或小便秘澀大便溼泄此症多因坐卧濕地或陰雨所襲而致

蒼朮

白朮 炒

甘草 一兩 炒各

乾薑 炮

茯苓 各二 兩

陳皮 一兩

丁香 各二 錢半

右每服四五錢，棗水煎。

防風芍藥湯 治殭泄身熱，脈弦腹痛及頭痛。

防風 芍藥炒 黃芩炒各二錢 右用水煎服。

六君子湯

四君子湯

補中益氣湯 三方見二十四卷第六論

人參養胃湯 方見七卷第十八論

十全大補湯

濟生歸脾湯 二方見二十四卷第四論

八味丸 方見二十四卷第十一論

東垣補真丸 方見七卷第三論

○婦人協熱下痢方論第十

論曰：下利赤黃，米穀不化，作渴嘔逆，小便不利，心胸煩躁，脈大而數，此胃經虛熱，津液不分，併於大腸所致。先用五苓散，次用玉粉丹，四味阿膠丸主之。

愚按前症若胃氣虛弱，用補中益氣湯，肝木侮脾，上用六君子湯，鬱結傷脾土，用歸脾湯。命門火衰，用八味地黃丸，餘各論主之。

附治驗

一婦人五月間患痢，日夜無度，小腹墜痛，發熱惡寒。余以為脾氣虛弱，用六君子湯送香連丸二服，漸愈。仍以前湯送四神丸四服，全愈。至七月終，怠惰嗜臥，四肢不收，體重節痛，口舌乾燥，飲食無味，大便不實，小便頻數，灑淅惡寒，悽慘不樂。此肺之脾胃虛而陽氣不伸也。用補陽益胃湯而痊。

婦人良方

薛氏醫案卷之八

七

卷之八

玉粉丹

蛤粉

硫黃等分

石為末。米糊丸。桐子大。每服五十九丸。用米飲下。

四味阿膠丸

黃連炒

赤茯苓二兩

芍藥炒三兩

阿膠炒燥一兩

右為末。以醋丸。桐子大。每服三十丸。食前米飲下。

附方

補中益氣湯

六君子湯二方見二十四卷第六論

歸脾湯方見二十四卷第四論

八味丸方見二十四卷第十一論

○婦人滯下方論第十

經云春傷於風夏生飧泄。蓋風喜傷肝。然春時肝木反剋脾土。以致滯下。赤白裏急。後重。先服神朮散。次用五苓散之類。煩渴腹痛。小便赤澀。脈洪數為熱。用白頭翁湯之類。脈虛弱為伏暑。用香薷散之類。如風邪下血。用胃風湯。腹痛嘔逆。手足俱冷。六脈微細。為臟腑虛寒。急服四順附子湯。炙氣海。丹田二穴。久痢腸滑。用理中湯。加肉果訶子。或十全大補湯。加木香肉果之屬。若一方一郡所患相類者。乃屬疫症。

愚按東垣云。大陰經受濕水瀉。變膿血。脾傷於腎者。謂之賊邪。難愈。先痢而後瀉者。謂之微邪。易痊。若厥陰經下痢。脈沉遲。手足厥逆。用麻黃小續命湯。汗之。若身冷自汗。小便自利。脈微嘔吐。用漿水散。溫之。若脈疾。身動。下迫聲響。用白朮芍藥湯。脈沉。身靜。飲食不入。用薑附湯。身體沉重。四肢不舉。用

木附湯竊謂前症若飲食停滯用六君子湯以補脾胃消飲食若胃氣下流用補中益氣湯以補脾胃升元氣若風傷腸胃宜用神木散以補脾胃解外邪若痰積中焦宜用六神丸以補脾胃化痰滯大凡脾胃虛弱宜補中氣調飲食

附治驗

一老婦食後因怒患痢裏急後重肛門脫下此脾氣下陷用大劑六君加附子肉蔻煨木香各一錢吳茱五分骨脂五味各一錢五分二劑諸症悉退惟小腹胀悶此肝氣滯於脾也與調中益氣加附子木香五分四劑而愈後口苦覺鹹此腎虛水泛與六味地黄丸二劑頓愈又以飲食失宜大便不實四肢逆冷此脾胃復傷與六君加附子五分及八味丸而愈先太宜人仲夏患痢腹痛去後無度煩渴飲湯手按腹痛稍

山游鼓指而有丸此真氣虛而邪氣實也急用人參五錢本茯苓各三錢陳皮炙草附子升麻各一錢服之即愈服痢藥者俱致不起惜哉

神木散 治春傷於風夏生飧泄或傷風頭痛項背拘急身流

清涕

蒼朮 錢二 藁本 川芎 錢各一 羌活

粉草 錢一 細辛 五分 右用薑水煎服欲發汗加葱頭

四順附子湯

生附子 去皮 白乾薑 炮 甘草 炒 人參 各一

右每服四五錢水煎吐瀉腹痛加肉桂半兩小便不利加茯苓半兩若體寒自汗手足逆冷六脉虛弱背寒面垢或面如

婦人良方 醫林秘要 卷之八

塗油齒乾煩悶躁渴引飲此為伏暑宜用小柴胡湯五苓散酒蒸黃連丸

加減參附湯 治寒痢陽氣脫陷嘔吐不食手足俱冷

大附子炮 大人參各一錢 丁香十五粒

右用薑十片米一撮水一鍾煎服如不應再加之

治禁口痢甚妙石蓮肉為末每服二錢陳米飲調下

又方乾山藥半生半炒黃為末不拘時用米飲調下

附方

胃風湯 治風冷乘虛客於腸胃以致水穀不化泄瀉注下或

腸胃濕毒下如豆汁或下瘀血

人參 白茯苓 芎藭 肉桂

當歸 白芍藥炒 白朮炒各

右每服三二錢入粟米數粒水煎空心食前執服

水黃木香丸 治久痢裏急後重日夜無度其効如神

罌粟殼去穰 青皮去白 甘草炒各二 訶子炮去核

當歸 木香各六兩

右為末煉蜜丸彈子大每服一丸水煎化空心服

戊巳丸 治胃經受熱泄痢不止或飲食不入腹痛不止

黃連炒 吳茱萸炒 白芍藥各五兩

右為末麩糊丸桐子大每服三十丸米飲食前下

真人養臟湯 治下痢赤白裏急後重腹痛脫肛

粟殼蜜炙三 人參六錢 白朮六錢 肉桂八錢

當歸六錢 訶子皮二兩 木香煨二兩 肉豆蔻麩煨

白芍藥炒一兩 甘草炒一兩

右每服四錢用水煎臍寒加附子一兩
升陽除濕防風湯如大便閉塞或裏急後重數至固而不能便
或有白膿或兼下血此鬱結而不通也以此湯舉其陽則陰
氣自降矣慎勿利之

蒼朮米汁浸四錢 防風 二錢 白朮 炒 白茯苓 白芍藥炒各一錢

先將蒼朮用水一鍾半煎至一鍾內諸藥同煎至八分食前
熱服天飲食入胃其氣上升輸精心肺然後下降若脾胃有
傷不能上升下流腎肝而成泄利法宜升補中氣不可踈下
此東垣發前人所未論也

調中益氣湯夫脉弦洪緩而沉按之中下不得一澁其證四肢
滿閉肢節煩疼難以屈伸身體沉重煩心不安忽肥忽瘦四
肢懶倦口失滋味大小便清利而數或上飲下便或大便澁

滯夏月發泄或便後見血或下白膿胸滿短氣
睡無力飲食少思方是四卷第五論

麻黃續命湯

防風 杏仁去皮尖 麻黃去節 人參 黃芩炒

甘草炙 芍藥 防已 肉桂各一 附子炮去皮

右每服半兩用薑水煎

白朮芍藥湯 治太陰脾經受濕水泄注下體重微滿困弱無

力不欲飲食或暴泄無數水穀不化宜此湯和之

白朮炒 芍藥炒各一兩 甘草炒五錢 右每服一兩水煎

漿水散 治暴利如水周身汗出一身盡冷脉微而弱氣短難
言甚者吐血此為惡病急用此藥緩則不救

半夏一兩炮洗 附子半兩炮 乾薑一作乾生薑 肉桂 甘草炙各五錢

天醫安卷之八

婦人良方

良薑 二錢

右為末每服三五錢漿水煎和滓熱服不應
益附湯 治霍亂轉筋手足厥冷或吐逆身冷脈微急用此藥

以之

乾薑 一兩

附子 一箇

右每服半兩水煎

不附湯 治下痢脾氣脫陷肢體不動汗出身冷氣短喘急或

嘔吐不食等症須急用之

白朮

生附子 須用

右為末每服五錢薑棗水煎和粗服如不應倍用之

六神丸

治食積赤白痢疾或腹痛不食或久而不止

神麴 為糊

麥芽 炒

茯苓

枳殼 麩炒

木香 煨

黃連 炒赤各

右為末用神麴糊丸桐子大每服五十丸白湯送下

香連丸 方見前

六君子湯

補中益氣湯 方見二十四卷第六論

五苓散 方見二十一卷第十論

六味丸

八味丸 二方見二十四卷第十一論

婦人痢後嘔噦方論第十二

滯下咳逆嘔逆古人謂之噦此胃氣虛寒之危症也用橘皮乾

薑湯半夏生薑湯丁香楠蒂湯熱證欬逆用小柴胡湯橘皮竹

茹湯嘗治一痢欬逆脈沉弱投退陰散兩腿而愈又一痢後咳

逆灸期門穴三壯而愈其穴在

愚按東垣云如泄痢而嘔者胃氣不和也上焦不和用生薑

婦人良方

婦人良方

婦人良方

橘皮湯中焦不和用芎歸桂苓下焦不和而寒治以輕劑熱甚而治以重劑亦有胃火上衝而嘔者有積滯而嘔者有陰虛而嘔者丹溪云下痢吃逆自下衝上屬火之象古方悉以胃弱言之殊不知胃弱者脾陰弱也故久病變之乃胃弱脾寒之危症用半夏一兩生薑半兩或理中湯加枳殼茯苓等夏不效更加丁香柿蒂各十枚胃熱咳逆用橘皮竹茹湯病忽然而致半夏茯苓湯加枳實半夏木香調氣散最佳

附治驗

一婦人痢後嘔噦服降火化痰等劑愈甚脈洪大按之虛細作渴飲湯諸藥到口即嘔余以為脾胃虛寒不能司納以參朮炮薑末各一錢以飯作丸米飲不時過三五粒至三兩許聞藥

加炮薑三十餘劑而安

人患前症飲食少思胸腹膨脹大便不實所見之症屬虛寒假熱遂朝用補中益氣湯加炮薑木香夕用六君子送四神丸漸愈又用八味丸料煎送四神丸而痊一婦人因怒嘔噦時或昏憤口噤或時舉體肉動其面色或青或赤余以為肝火熾盛脾土受傷用小柴胡湯加山梔鉤藤治之漸愈又用加味歸脾逍遙二藥調理而痊

橘皮乾薑湯

治胃寒嘔噦不食或吐痰腹痛兼瀉

橘皮

通草

乾薑

桂心

甘草

人參

右水煎服

橘皮竹茹湯

治噦逆

橘皮

竹茹

甘草

人參

半夏

右薑棗水煎

婦人良方

時氏醫案卷之八

三

卷之八

猪苓湯 治咳而嘔渴心煩不得眠

猪苓

赤茯苓

澤瀉

阿膠炒

滑石

各一錢

右水煎服

半夏湯

治噦欲死

半夏

一兩

生薑

切二兩

右水煎為二服

丁香柿蒂湯

治欬逆

丁香

十粒

柿蒂

十五箇

右水煎熱服

生薑橘皮湯

治嘔噦手足厥冷

橘皮

一錢

生薑

四錢

右水煎服

退陰散

治陰毒傷寒手足逆冷或咳逆不止脉沉細頭痛

重急進三服若傷冷每服一字入正元散內同煎入鹽一捻

乾薑

炮

川烏

炒黃

右每服一錢鹽一捻水煎

倉廩湯

治痢疾心煩手足溫頭痛此熱毒上衝宜用此湯

收毒散每服四五錢入陳倉米百粒薑五片棗一枚煎若

微弱或胸腹虛脹手足厥冷或因服罌粟烏梅過多以致

嘔者宜用生藥半生半炒為末米飲調下日二三服

附方

木香調氣散

治氣滯嘔吐或胸膈不利心腹刺痛飲食不思

木香

白豆蔻

丁香

檀香

各二兩

藿香

甘草

炒各六兩

砂仁

四兩

右為末每服二錢白湯調服

半夏茯苓湯

方見十二卷第三論

補中益氣湯

竹葉石膏湯

六君子湯

三方見二十四卷第六論

婦人良方

幸氏醫安卷之八

三

卷二百七

八味丸 方見二十四卷第十一論

○婦人大便下血方論第十三

婦人臟腑損傷風邪所入以致大便下血或如豆汁或腹中作痛若糞後下血其來遠糞前下血其來近遠近者言病在上下也若面無血色時寒時熱脈浮弱按之如絲者是前症也愚按前症或飲食起居或六淫七情失宜以致元氣虧損陽絡外傷若膏梁積熱加味清胃散怒氣傷肝六君柴芍芎歸鬱結傷脾加味歸脾湯脾氣虛弱六君子湯思慮傷心妙香散大腸風熱四物側柏荆防枳殼大腸血熱四物丹皮柴胡中氣下陷補中益氣茯苓半夏心脾不能攝血必補脾肺之源舉下陷之氣

附治

婦人下血不已面色痿黃四肢長冷此中氣下陷用

益氣湯送四神丸數服而愈

光祿張淑人下血煩躁作渴大便重墜後去稍緩用三黃湯加大黃至四兩方應後用三黃湯又二十餘劑而愈此等元氣百中一二

韓地官之內脾胃素弱因飲食停滯服剋伐之劑自汗身冷氣短喘急腹痛便血或用諸補劑皆不應余用人參炮附子各五錢二劑稍應却用六君子每劑加炮附子三錢四劑漸安又用前湯每加附子一錢數劑乃瘥

一婦人因怒胸痞飯食少思服消導利氣之藥痰喘胸腹大便下血余用補中益氣加茯苓半夏炮薑四劑諸症頓愈又用八珍加柴胡炒梔全愈

婦人良方
一婦人瘀血腹痛使血見
加減四物湯 治腸風下血

側柏葉炒 荆芥 槐花炒 甘草炒各五分 枳殼麩炒
生地黃 當歸 川芎各一錢 右薑水煎

腸風黑神散 治腸風下血腹痛後重或肛門脫出
敗棕燒 木饅頭燒 烏梅去核 粉草炙各一錢 右水煎服

愚按前二症若病久中氣虛弱者必用培補脾胃為主
地榆湯陰結便血臨龍吉方

地榆四兩 甘草兩半 縮砂仁四十分 右每服三錢水煎
防風如神散 治風熱氣滯下血
防風 枳殼麩炒各等分 右每服三錢水煎

愚按前二症若胃氣虛不能統血而下用四君中氣下降用

補中益氣湯脾氣鬱結用歸脾湯氣血虛弱用八珍湯
虛寒用十全大補湯

治久下血成片用頭髮燒灰每服一二錢水調下
妙杏散治心氣下血溫酒調下

附方

加味清胃散 方見二十四卷第六論

四君子湯

六君子湯

四物湯

補中益氣湯 四方見二十四卷第六論

八珍湯

加味歸脾湯 二方見二十四卷第四論

婦人良方

薛氏醫案卷之八

天

卷三百九

二神丸
四神丸
三黃丸 三方見前第八論

○婦人痔瘻方論第十四

婦人痔瘻因鬱怒風熱厚味膏粱所致其名有五肛邊如乳出膿者為牝痔腫脹出血者為牡痔痒痛者為脈痔腫核者為腸痔登廁出血者為血痔治宜審之

愚按前症婦人多因胎產經行飲食起居六淫七情失調所致男子多因醉飽入房筋脈橫解精氣脫泄熱毒乘虛而患或入房強固其精木乘火勢而侮金或炙燔厚味陰虛濕熱宜涼血潤燥疎風瀆後當養元氣補陰精不愈即成痔漏有串腎出陰穿腸者其腸頭腫塊者濕熱也作痛者風也便燥

者火也瀆膿者熱勝血也大便秘作痛者潤燥除濕肛門墜痛者瀉火導濕小便澀滯者清肝導濕經云因而飽食筋脈橫解腸澀為痔症屬肝腎不足故用加味地黃及六味丸有效慎勿敷毒藥及服寒涼之劑

髓甲散 治五種痔漏膿血淋漓或腫痛堅硬下墜

露蜂房 蛇蛻 蟬皮

猪後懸蹄 性立 各二錢 麝香 一分

右為末每服一錢空心生地黃煎湯調下更傅之

又方熱痛用寒水石朴硝為末以津調搽

附方

六味丸 方見二十四卷第十一論

加味地黃丸 方見二十四卷第六論

婦人脫肛方論第十五

脫肛者大腸之候也大腸虛寒其氣下陷則肛門翻出或因
努力其肛亦然也

愚按前症若大腸濕熱用升陽除濕湯若血熱用四物條芩
槐花血虛用四物白朮茯苓兼痔痛用四物槐花黃連升麻
中風虛弱用補中益氣芍藥白朮中氣虛寒加半夏炮薑五
味腎虛用六味丸虛寒用八味丸夫肺與大腸為表裏肛者
大腸之門肺實熱則秘結肺虛寒則脫出腎主大便故肺腎
虛者多有此症

附治驗

一婦人脫肛用補中益氣加味歸脾各百餘劑而愈後因分
疑復脫仍以前藥各二百餘劑始愈

姚和眾以鐵粉傳之良

陰虛方亦治

集驗方以生鐵三斤水一斗煎至五升取水洗日二次

孫真人用蝦蟆皮瓶中燒烟熏功效玄微

一方用倍子煎湯洗以赤石指末搽上托入或脫長者以兩林
相並中空尺許以磁瓶盛湯令病人仰臥浸瓶中逐日易之
收盡為度

附方

升陽除濕湯 自下而上者引而竭之

升麻 柴胡 防風 神麩炒 澤瀉

猪苓各半兩 蒼朮一兩 陳皮 甘草炙 大麥蘖各三錢

右每服五錢水煎空心服胃寒腸鳴加益智仁半夏各半錢
薑棗同煎

婦人陰腫方論第十六

四物湯

補中益氣湯 二方見二十四卷第六論

六味丸

八味丸 二方見二十四卷第十一論

○婦人陰腫方論第十六

婦人陰腫因胞絡素虛風邪客之乘於陰部血氣相搏故也

愚按前症若氣血虛弱用補中益氣湯舉而補之肝經濕熱

用龍膽瀉肝湯溲而清之若陰腫陰痒陰冷陰挺當與後論

互相參看

附治驗

一婦人陰中腫悶小便澀滯兩脇作腫內熱晡熱月經不調
時或寒熱此因肝脾鬱結元氣下陷濕熱壅滯朝用歸脾湯

加柴胡升麻解鬱結補脾氣升元氣夕用加味道遙散清肝

火生肝血除濕熱各數劑諸症悉愈又用四君膏歸丹皮調

補肝脾而經水如期

菖蒲散 治月水澀滯陰間腫痛

菖蒲 當歸各一 秦艽 二兩 右每服五錢入葱白

白礬散 治陰腫堅痛

白礬 半兩 甘草 半錢 大黃 一兩

右為末水和用棗大綿裹內陰中日兩換以愈為度

附方

補中益氣湯 方見二十四卷第六論

龍膽瀉肝湯 方見二十四卷第八論

婦人陰痒方論第十七

婦人陰痒方論第十七

婦人陰痒。為三蟲在腸胃之間。因臟虛而蝕。陰中微則為痒。甚則為痛也。

愚按前症屬肝經所化。當用龍膽瀉肝湯。逍遙散。以主其內。外以桃仁研膏。和雄黃末。或雞肝。納陰中以制其蟲。

附治驗

一婦人胸膈不利。內熱作渴。飲食不甘。肢體倦怠。陰中悶痒。小便赤澇。此鬱怒傷肝脾所致。用歸脾湯。加山梔而愈。復因怒患處。并小腹脹痛。用小柴胡。加山梔。芎歸芍藥。痛止。用逍遙散。加山梔而愈。又因勞役患處。腫脹。小便仍澇。用補中益氣。加山梔。茯苓。丹皮而痊。

一婦人陰內痛痒。不時出水。食少體倦。此肝脾氣虛。濕熱下注。用歸脾湯。加丹皮。山梔。芍藥。柴胡。生草。主之而安。

一婦人陰內痒痛。內熱倦怠。飲食少思。此肝脾鬱怒。元氣虧損。濕熱所致。用參芪歸朮。陳皮。柴胡。炒。芩。車。前。升。麻。芍。藥。丹。皮。茯苓。而痊。若陰中有蟲。痒痛。亦屬肝木。以桃仁。雄黃。研。納陰中。以殺之。仍用清肝解鬱之藥。有以雞肝納之者。乃取蟲之法也。

一力搗新桃葉。綿裹。納陰中。日三兩易。

龍膽瀉肝湯 方見二十四卷第八論

逍遙散 方見二十四卷第四論

○婦人陰冷方論第十八

婦人陰冷。因勞傷子臟。風冷客之。用五加皮。乾薑。丹參。蛇牀子。熟地黃。杜仲。各三兩。鍾乳粉四兩。天門冬一兩。地骨皮二兩。酒十五升。漬二宿。每服一盞。空心。食前飲之。

愚按前症屬肝經內有濕熱外乘風冷所致若小便澀滯或
小腹痞痛用龍膽瀉肝湯若內熱寒熱或經候不調用加味
逍遙散若寒熱體倦飲食少思用加味四君子若鬱怒發熱
少寐懶食用加味歸脾湯

附治驗

一婦人陰中寒冷小便黃澀內熱寒熱口苦脇脹此因肝經
濕熱用龍膽湯祛利濕熱用加味逍遙散調補血氣而安
一婦人所患同前更寒熱嘔吐兩股腫痛先用小柴胡加山
梔一劑寒熱嘔吐頓止次用龍膽瀉肝湯一劑腫痛頓消
一婦人陰中寒冷小便澄清腹中亦冷飲食少思大便不實
下元虛寒治以八味丸月餘飲食漸加大便漸實又月餘諸
症悉愈

八味丸 治血弱不能榮養臟腑津液枯澀風寒客於子
致陰冷

愚按此丸果係肝脾腎虛殊有神効

附方

小柴胡湯 方見二十四卷第二論

龍膽瀉肝湯 方見二十四卷第八論

加味逍遙散

加味歸脾湯 二方見二十四卷第四論

加味四君子湯 方見二十四卷第六論

○婦人陰挺下脫方論第十九

婦人陰挺下脫或因胞絡傷損或因子臟虛冷或因分娩用丸
愚按前症當升補元氣為主若肝脾鬱結氣虛下陷用補中

婦人良方 益氣湯若肝火濕熱小便澇滯用龍膽瀉肝湯

附治驗

一婦人陰中突出如菌四圍腫痛小便頻數內熱晡熱似瘵似痛小便重墜此肝脾鬱結蓋肝火濕熱而腫痛脾虛下陷而重墜也先以補中益氣加山梔茯苓車前子青皮以清肝火升脾氣更以加味歸脾湯調理脾鬱外以生豬脂和藜蘆末塗之而收

一婦人陰中挺出五寸許悶痛重墜水出淋漓小便澇滯夕與龍膽瀉肝湯分利濕熱朝與補中益氣湯升補脾氣諸症漸愈再與歸脾湯加山梔茯苓川芎黃柏間服調理而愈後因勞役或怒氣下部濕痒小水不利仍用前藥即愈又方治前症用麻子仁研塗頂中目吸入即洗去

附方

補中益氣湯 方見二十四卷第六論

龍膽瀉肝湯 方見二十四卷第八論

歸脾湯

加味歸脾湯 二方見二十四卷第四論

○婦人陰中生瘡方第二十

竊謂前症乃七情鬱火傷損肝脾濕熱下注其外症陰中出如蛇如菌或如雞冠狀或生蟲濕痒或潰爛出水或腫悶墜痛其內症體倦內熱經候不調或飲食無味晡熱發熱或胸脇不利小便痞脹或赤白帶下小水淋瀝其治法腫痛者四物湯加柴梔丹皮膽草濕痒者歸脾湯加柴梔丹皮淋瀝者龍膽瀉肝湯白木丹皮潰腐者逍遙散山梔川芎腫悶墜痛

者補中益氣湯。山梔丹皮佐以外治之法。

一婦人腐潰膿水淋漓腫痛寒熱小便赤澀內熱作渴肢體
倦怠胸脇不利飲食少思余以為肝脾虧損用補中益氣內
柴胡升麻各用一錢加茯苓一錢山梔二錢數劑少愈又與
歸脾湯加山梔川芎茯苓三十餘劑諸症悉退惟內熱尚在
再與逍遙散倍用山梔而愈

一婦人素性急陰內痛小便赤澀怒而益甚或發熱或寒熱
此肝經濕熱所致用芎歸炒梔柴胡苓朮丹皮澤瀉炒芍車
前炒連生草數劑漸愈乃去黃連澤瀉又數劑全愈

附方

四物湯

補中益氣湯 二方見二十四卷第六論

逍遙散

歸脾湯 二方見二十四卷第四論

龍膽瀉肝湯 方見二十四卷第八論

小柴胡湯 方見二十四卷第二論

○女人交接傷丈夫頭痛方二十一

愚按前症當用補中益氣六味地黃以滋化源為主

來復丹交接相傷四肢沉重頭痛昏暈米飲下

右每服五十丸 方見二十五卷第十論

附方

補中益氣湯 方見二十四卷第六論

六味丸 方見二十四卷第十一論

○女人交接輒血出痛方第二十二

一婦人每交接出血作痛。此肝火動脾而不能攝血。用補中益氣濟生歸脾二湯而愈。若出血過多而見他症。但用前藥調補肝脾。

千金療交接血出

桂心

伏龍肝各等分

右為末酒服錢許

附方

補中益氣湯

方見二十四卷第六論

濟生歸脾湯

方見二十四卷第四論

○婦人交接他物所傷。方第二十三

一婦人交接出血作痛。發熱口渴。欲嘔。或用寒涼之藥。前症益甚。不時作嘔。飲食少思。形體日瘦。余曰。症屬肝火而藥復傷脾所致也。先用六君加山梔柴胡。脾胃健而諸症愈。又用

加味逍遙散而形氣復

一婦人陰腫下墜。悶痛出水。胸腹不利。小便頻數。內熱口苦耳鳴。此肝脾火症。用小柴胡加車前。臈草。苓。朮。升。麻。二劑稍愈。又用加味逍遙散加升麻。數劑漸愈。乃以加味升麻柴胡并補中益氣。加山梔。數劑頓愈。仍用加味

味歸脾二藥調理全愈

一婦人患前症。熱痛。或用寒涼敗毒藥。飲食不入。時欲作嘔。小腹重墜。余謂此脾胃復損。元氣下陷。先用補中益氣加炮薑二劑。重墜頓愈。又加茯苓。半夏。二十餘劑。而愈。乃以歸脾湯。少加柴胡。升麻。并六味。地黃丸。而康

又方割雞冠血塗之。以赤石脂末摻之。五倍子末亦良

附方

六君子湯

補中益氣湯 二方見二十四卷第六論

加味逍遙散

加味歸脾湯

歸脾湯 三方見二十四卷第四論

六味丸 方見二十四卷第十一論

○婦人小戶嫁痛方第二十四

愚按前症當從二十一論互相主治

千金方療小戶嫁痛

甘草 生薑各五分 白芍藥四分 桂心二分

右以酒二升煎三四沸服 又方海螵蛸燒為末酒服

方寸七日三服 又方小麥甘草等分煎湯洗甚效

婦人良方卷之九

薛氏醫按

臨川陳自明編 吳郡薛 已註

剡 閔道政校

求嗣疾病既無須知求嗣故以次之

○陳無擇求子論第一

有夫婦則有父子婚姻之後必求嗣續故古人謂不孝有三無後為大者言嗣續之至重也凡欲求子當先察夫婦有無勞傷痼疾而依方調治使內外和平則有子矣

愚按丹溪先生云人之育胎者陽精之施也陰血能攝之精成其子血成其胎胎孕乃成今婦人無子者率由血少不足以攝精也血之少也固非一端然欲得子者必須補其精血使無虧欠乃可以成胎孕若泛用秦桂丸之劑薰戕臟腑血

氣沸騰禍不旋踵矣竊謂婦人之不孕亦有因六淫七情之邪有傷衝任或宿疾淹留傳遺臟腑或子宮虛冷或氣旺血衰或血中伏熱又有脾胃虛不能營養衝任審此更當察其男子之形質虛實何如有腎虛精弱不能融育成胎者有稟賦元弱氣血虛損者有嗜欲無度陰精衰憊者各當求其原而治之至于大要則當審男女之尺脉若左尺微細或虛大無力者用八味丸左尺洪大按之無力者用六味丸兩尺俱微細或浮大者用十補丸又巢氏謂夫妻年命克制墳墓不利者理或有之若誤用辛熱燥血不惟無益反受其害今以生育病愈後而得者附于左

治驗日求醫學綱目

一婦人月經見一卷月水不調 瀝愈而生子

一婦人患結核愈而生子見五卷冷勞第四症

一婦人稟弱經行腹痛愈而生子見十卷經行腹痛

一婦人素虛弱患鶴膝風愈而生子見二十四卷膝風

一婦人患瘰癧愈而生子見二十四卷瘰癧第一症

一婦人患瘰癧愈而生子見二十四卷瘰癧第一症

一婦人患瘰癧愈而生子見二十四卷瘰癧第一症

○褚尚書求男論第二

建平孝王妃姬皆麗無子擇民家未笄女子入御又無子問曰求男有道乎澄對曰合男女必當其年男雖十六而精通必三十而娶女雖十四而天癸至必二十而嫁皆欲陰陽完實然後交而孕孕而育育而子堅壯強壽今未笄之女天癸始至已近男色陰氣早洩未完而傷未實而動是以交而不孕孕而不育

婦人稟弱經行腹痛愈而生子見十卷經行腹痛

而子脆不壽。此王之所以無子也。然婦人有所產皆女者。有所善未再期。生六男。夫老陽遇少陰。老陰遇少陽。亦有子之道也。

無子論第三

夫無子者。其因有三。一墳墓風水不利。二夫婦年命相剋。三夫婦疾病墳墓不利。年命相剋。此非藥力可致。若夫婦疾病。必須藥餌。然婦人無子。或勞傷血氣。或月經閉澀。或崩漏帶下。右尺浮則為陽絕。或尺微瀆。或少陰脈浮緊。或尺寸俱微弱者。皆致絕產。若調攝失宜。飲食不節。乘風襲冷。結於子臟。亦令無子也。

千金翼求子方論第四

論曰。婦人之居約。鬪類多。血氣不調。胎妊生產崩傷之異。比之男子。士倍難療。其或七情失宜。或飲食無度。或胎瘡未愈。而人合。或登廁風入陰戶。便成痼疾。若欲求子。交感之時。必天日精明。神思清爽。氣血諧和。與天德福德相合。夫婦本命五行相生。并本命帝旺而生者。則壽而賢。否則不可得也。

交會禁忌第五

凡求子。宜吉良日交會。當避丙丁。及弦望晦朔。大風雨霧寒暑。雷電霹靂。天地昏冥。日月無光。虹蜺地動。日月薄蝕。及日月火光星辰。神廟井竈圍廁。冢墓屍柩之物。若交會受胎。多損父母。生子殘疾。天桎愚頑不孝。若交會如法。則生子福德智慧。驗如影響。可不慎哉。

男子受胎時日法第六

凡男女受胎。皆以婦人經絕一日三日五日為男。仍遇月宿在貴宿日。若以經絕後二日四日六日。瀉精者皆女。過六日皆不。

成胎又遇旺相日尤吉夜半入房生子者賢明貴壽餘時皆凶

推支干旺相日法第七

春甲乙夏丙丁秋庚辛冬壬癸春寅卯夏巳午秋申酉冬亥子

推每月宿日第八

正月

初一初六初九初十一十二十四二十一二十四二十九

二月

初四初七初八初九初十二十四十九二十二二十七

三月

初一初六初七初八初十七二十二二十五

四月

初三初四初五初六初八初十五十八二十二五十八

五月

初一初二初三初四初五初六初十十二十三十六二十
二十五二十八二十九三十日

六月

初一初三初十十三十八二十三二十六二十七二十八二
十九日

七月

初一十一十六二十一二十四二十五二十六二十七二十
九日

八月

初五初八十二十八二十一二十二二十三二十四二十五

婦人良方 卷之九

九月 二十六日

初三初六十一十六十九二十二二十一二十二二十四日

十月 初一初四初九十四十七十八十九二十二二十三二十九日

十一月 初一初六十一十四十五十六十七十九二十六二十九日

十二月 初四初九十二二十四五十七二十四二十七

若春合甲寅乙卯夏合丙午丁巳秋合庚申辛酉冬合壬子癸亥與上件月宿日合者佳

求子服藥須知第九

論曰夫人求子服藥須知次第男服七子散女服盪胞湯紫石英門冬丸及坐導藥則無不效矣

七子散 主丈夫氣虛精氣衰少無子

牡荊子 五味子 兔絲子 車前子 筍蕒子

山藥 石斛 熟地黃 杜仲 鹿茸

遠志各八分 附子炮 蛇床子 川芎各六分 山茱萸

天雄各五分 桂心十分 白茯苓 牛膝 人參

黃芪各五分 巴戟十分 菴蓉七分 鍾乳粉八分

右為末每服錢許日二服酒調一方加覆盆子二錢

慶雲散 主丈夫陽氣不足不能施化

覆盆子 五味子各二升 兔絲子一升 白朮炒

石斛各三兩 麥門冬 天雄各九兩 紫石英二兩 桑寄生四兩

婦人求子服藥須知第九

右為末。食後酒服錢許。日三服。或米飲調冷。去桑寄生。加細辛四兩。陽事少。去石斛。加檳榔十五箇。盪胞湯。治婦人全不產育。

朴硝 牡丹皮 當歸 大黃蒸久 桃仁各三

細辛 厚朴 苦梗 赤芍藥 人參

伏苓 桂心 甘草 牛膝 陳皮各二

附子炮一兩半 蜜炒焦去 水蛭炒各十枚

右每服六錢。酒水合盞半煎。日三服。夜一服。少頃下血。膿力弱者用一二服。惡物不盡。方用坐導藥。

坐導藥 治婦人全不產及斷續。更服盪胞湯。

皂角去皮一兩 吳茱萸 當歸 大黃 晉礬枯

戎塩 川椒各二兩 五味子 細辛 乾薑各三兩

一方無茱萸有葶

石為末。以絹袋盛。如指狀。入陰中。如

欲小便去之。一日仍易之。如子宮有冷水。天陰則痛。須候下

盡而止。藥每日早晚用苦菜煎湯薰洗著。藥後一日服紫石

英九

紫石英丸

紫石英 天門冬各三兩 紫葳 牡蒙各二兩

粉草半兩 桂心 川芎 卷柏 烏頭炮

熟地黃乾 辛夷仁 禹餘糧版醋 當歸

石斛各三兩 烏賊骨 牛膝 薯蕷各六分 桑寄生

人參 牡丹皮 乾薑 厚朴 續斷

食茱萸 細辛各五分 柏子仁一兩

右為末。蜜丸。桐子大。每服二十九。溫酒下。

婦人良方 西醫醫科卷之九

續嗣降生丹

治婦人五臟虛損子宮冷憊不能成孕

當歸

桂心

龍齒

烏藥

益智

杜仲

石菖蒲

吳茱萸

各一兩半

茯神

牛膝

秦朮

細辛

桔梗

半夏

防風

白芍藥

各三錢

乾薑

生一兩半

附子

重一兩者作一錢入硃砂一錢濕麩裹煨為末

川椒

焙二兩

牡礪

浸四十九日却用硫黃末一兩醋調塗用紙裹之米醋潤濕塩泥固濟用炭煨赤

右為末用糯米糊丸桐子大每服三十九至百九空心淡醋

温酒鹽湯任下日二服及治男子精寒不固陽事衰弱白濁

夢泄婦人帶下寒熱諸虛百損盜汗氣短預服此藥者無不

感應

愚按前五方多慄悍之味治當審察因因不可輕用又秦桂

養真白薇茱萸地黃紫石英陽起石暖宮濟陰丹湯藥數尤為慄悍不可輕服未敢悉錄

賈禹鈞夜夢其亡祖父謂之曰汝緣無子且又不壽宜修善行

曰是佩服乃訓復夢祖父謂曰汝名掛天曹以有陰德特延算

三紀胤錫五子悉皆榮顯

張慶司獄惟務方便年五十始生子亨有一道人丐於門謂慶

曰汝本無嗣今聞嬰兒聲非若子乎慶曰偶得一子道人曰信

乎陰德未易量爾之積累善事非一朝一夕今不但有嗣又喜

子孫文學之貴宜善保之後果如其言

馮商其妻每勸置妾商取一女已成聞其父因官綱運欠折鬻

女以償之商惻然不忍犯更益以資裝送還其父明年生馮京

後登狀元

婦人良方

李氏醫案卷之九

七

日七

馬默未有嗣。知登州日。奏活沙門島罪人。不致枉死。一日夢中見符使挾一男女。乘空來其前。呼曰。爾本無嗣。以活人數多。上帝特賜男女各一。言訖不見。果如其言。

時邦美之父老而無子。置一妾。對暗空悲泣。問之。乃曰。父卒於官。鬻妾欲辦喪耳。時遂攜金偕往其家。殯葬而歸。未幾生邦美。後舉進士官至吏部。

袁詔父為郡吏。年五旬。置一妾。乃宦家女也。父歿家貧。鬻而歸葬。袁知其故。即送還。更以囊資益之。明年生詔。既長為參知政事。

馬涓之父無子。置一妾。聞其父喪。官所無力歸葬。故鬻此女。即日訪其母而歸之。且厚資助。夜夢一羽衣曰。天錫爾子。慶流涓涓。明年生一子。因名曰涓。既長及第。

人之無嗣。或因丈夫陽氣之不足。不能施化。或因婦人陰血衰。憊百疾攻之。以致然也。故先賢立方垂訓。以啓後人。或者用計百端。妾媵無數。及皓首終身。不能如其意者。是皆心行有虧。非命也。苟能革心之非。所行向善。積德累功。施恩布惠。則上天之報施。自然慶流後裔。此溫隱居求嗣篇之所由作也。子嘗讀聖朝為善陰騭書。因覽竇禹鈞等數人所履。皆言此事。歷歷可鑑。謹錄附贅于此。以為求嗣者勸誡之一助云爾。

溫隱居求嗣保生篇第十

昔東京焦公三世無嫡嗣。為商旅。遊翫名山。尋訪至人。問其因。至京都。遇一老僧。聲清而神朗。談論甚異。焦怪而問之曰。貧家三世無嫡嗣。奈何。僧曰。無嗣者有三。一祖宗無德。自身無行。二夫妻年命。恐犯禁忌。三精神不守。妻妾血寒。焦公曰。血寒有何

法術願聞一言。僧曰：先脩德，後脩身。三年之後，到臺山，當授異方。說畢，忽不見。焦一遵其言，後赴五臺，見一行童，手持一書，言曰：老師傳語大夫，功成行滿，賜方藥名續嗣降生丹。依方服之，當生富貴之子。焦員外子生子不肖，亦赴五臺，見行童曰：老師昨日見員外，何必來問我？但依爾父所行，愚者自賢。焦曰：愚豈能賢乎？行童曰：昔竇氏五子皆不全形，後行恩布德，悉登科第。焦氏拜謝而歸，奉行雕板印施方書，不及二十年，子孫數人皆貴顯。後人收得此行狀及方，受持行用，求藥者獲其子孫，皆有德行。余躬受此方，不敢緘默，併錄篇論，以告諸賢，庶不致異方湮沒耳。

正統間合肥人羅某年六十無子，因連坐謫保安州為民，將至居庸解者，迷回。羅赴關自告，或者曰：放流絕域，人所不堪，今解者既去，君可無往也。羅曰：吾罪本為人所累，使予歸復以此累人，吾不忍也。且皇法不可輕違，遂至州。夜有二盜，疑其有所携，乃穿穴以取之。其妻覺，預置沸湯，俟其入，則沃之。既穴二人將入，羅起諭之，乃去。次日羅至市，忽有二人俯伏道傍，羅問之，乃夜穿穴者也。二人曰：吾輩相戲，幾被傷殞，賴公曉諭，二命得生，公所賜也。後羅凡出外，二人必為之守護，未幾羅妻卒，妾生一子，任延安守，一女適隆慶，徭指揮使王欽。

禮部尚書沈立齋云：有二老，一有子而富，一無子而貧，居址相鄰，因居高岡，岡其上有壑墓，二老欲掘墓開窰，以取利。貧者以告其妻，妻曰：岡後有墓，開以為窰，不惟燒損地脈，壞人風水，且近墳穴不可為也。遂已之。富者開岡見尸，則焚之，後見骸骨甚多，悉棄於水，因致巨富，乃起岑樓，以蓄財物，每夜家之眷屬皆

居於上去其梯以示賊不能犯不意賊有劉六者卒然晝至家屬不及登樓者則投井而死其登樓者被焚而死人以為焚尸於火棄尸於水之報也其貧者後致巨富生一子益其家業云弘治間京師有黃剛者因無子每歲夏秋修合痢疾藥施之忽鄰里於靜夜聞人言黃公積善久矣送以一嗣後果有子弘治間有張某自太醫院恩生仕至縣尹老而無子在縣篤於惜民已而陞為郡守民深感其惠在郡生子亦德政之所致也正德間夏誠字純夫吳江縣人錦衣衛籍中順天府鄉試任武城縣尹愛民甚篤因忤上司遂歸老於家舊民到京者懷其德惠憐其清苦莫不以財帛助之垂老得子後有繼其政者甚豐歛縣民於中途劫之子女皆被甚害

黃善貧而無子傭工為業富民倪五命其開窰取土因鋤土見

尸棺以舊土揜之乃從遠地擔土而歸後倪貧而黃富亦開窰倪亦傭工於黃家黃甚惜之與之共食倪因患時瘡為人憎棄遂投水而死黃聞之遂收其尸而殮之遂有子且繼其富作善降祥信不誣矣竊聞之書曰惠迪吉從逆凶惟影響又曰作善降祥作惡降殃子之有無自王宮至於庶民亦在乎陰德而已豈可專泥於藥哉

婦人良方卷之十

薛氏醫按

臨川陳自明編 吳郡薛 已註

新都 閔道政校

胎教門 求嗣已明須知胎教故以次之

○妊娠總論第一

巢氏病源論妊娠一月名胎胚足厥陰脉養之二月名始膏足少陽脉養之三月名始胎手心主脉養之當此之時血不流行形象始化未有定儀因感而變欲子端正莊嚴常口談正言身行正事欲生男宜佩弦執弓矢欲生女宜佩韋施環珮欲子美好宜佩白玉欲子賢能宜看詩書是謂外象而內感者之四月始受水精以成其血脉手少陽脉養之五月始受火精以成其氣足太陰脉養之六月始受金精以成其筋足陽明脉養之七月

婦人良方 薛氏醫按卷之十 日十九

婦人集方 卷之十
月始受木精以成其骨。手太陰脉養之。八月始受土精以成膚革。手陽明脉養之。九月始受石精以成毛髮。足少陰脉養之。十月五臟六腑關節。人神皆備。此其大略也。又五臟論有稱者。謂者論一月如珠露。二月如桃花。三月男女分。四月形象具。五月筋骨成。六月毛髮生。七月遊其魂。兒能動左手。八月遊其魄。兒能動右手。九月三轉身。十月受氣足。更有顛顛經云。一月爲胎胞。精血凝也。二月爲胎形。成胚也。三月陽神爲三魂。四月陰靈爲七魄。五月五行分五臟也。六月六律定六腑也。七月精開竅。通光明也。八月元神具。降真靈也。九月宮室羅布以定生人也。十月受氣足。萬象成也。今推究數說。如五臟論者。類皆淺鄙。妄託其名。至於三藏佛書。且涉怪誕。漫不可考。今按顛顛經三卷云。中古巫方所撰。其巢氏論妊娠至三月始胎之時。欲談正言。

行正事。佩弦韋執弓矢。施環珮。佩白玉。讀詩書之類。豈非胎教之理乎。嘗試推巢氏所論云。妊娠脉養之理。若厥陰。肝脉也。足少陽。膽脉也。爲一臟腑之經。餘皆如此。且四時之令。必始於春木。故十二經之養。始於肝。所以養胎在一月。二月。手心。主心胞絡脉也。手少陽。三焦脉也。屬火而夏旺。所以養胎在三月。四月。手少陰。手太陽。乃心脉也。以君主之官。無爲而尊也。足太陰。脾脉也。足陽明。胃脉也。屬土而旺長夏。所以養胎在五月。六月。手太陰。肺脉也。手陽明。太陽脉也。屬金而旺秋。所以養胎在七月。八月。足少陰。腎脉也。屬水而旺冬。所以養胎在九月。又况母之腎臟繫於胎。是母之真氣子之所賴也。至十月兒於母腹之中。受足諸臟氣。脉所養。然後待時而生。此論與微而有至理。世更有明之者。亦未有過於巢氏之論矣。余因述其說。

受形論第二

娠子即雄也故以後受形名篇附其論

巢氏論曰陽施陰化精氣有餘兩胎有俱男俱女者道藏經云婦人月信止後一日三日五日值男女旺相日陽日陽時交合有孕多男若男女稟受皆壯則男子一或怯弱則小子顛顛經云陽盛發陰當孕成男六脉諸經皆舉其陰又云三陽所會則生男三陰所會則生女葛仙翁肘後方云男從父氣女從母氣聖濟經云天之德地之氣陰陽之至和流薄於一體因氣而左動則屬陽陽資之則成男因氣而右動則屬陰陰資之則成女易稱乾道成男坤道成女此男女之別也凡妊娠有疾投以湯藥衰其大半而已使病去母安胎亦無損矣

愚按東垣丹溪云經水斷後一二日血海始淨精勝其血感者成男四五日後血脉已旺精不勝血感者成女蓋父精母血因感而會精之施也血能攝精故成子此萬物資始於乾元也血之行也精不能攝故成女此萬物資生於坤元也陰陽交媾胚胎始凝所藏之處名曰子宮一系在下上有兩岐一達於左一達於右精勝其血則陽為之主受氣於左子宮而男形成精不勝血則陰為之主受氣於右子宮而女形成此二先生之確論也若夫妊娠藥餌宜禁當參本門考之

受形篇第三

褚氏云男女之合二精交暢陰血先至陽精後衝血開聚精入為骨而男形成矣陽精先入陰血後參精開聚血入為本而女形成矣陽氣聚面故男子面重溺死者必伏陰氣聚背故女子背重溺死者必仰走獸溺死仰伏皆然陰陽均至非男非女之身精血散分駢治品胎之兆父少母老產女必羸母壯父

婦人良方 薛氏醫案卷之十
衰生男必弱。古之良工，首察乎此。氣受偏痺，與之補之。補羸女，則養血壯脾。補弱男，則壯脾節色。羸女宜及時而嫁，弱男宜待壯而婚。此疾外所務之本，不可不察也。

論胎教第四 馬益鄉先生

論曰：胎教產圖之書，不可謂之迂，而不加信。然亦不可狎犯之。方今俚俗之家，與不正之屬，將息避忌，略不如儀，或藥毒不消，或產於風露，無產厄而子母均安者，亦倖有之。若保胎之法，須多方豫養，方無後患。如鄰家有所興修，亦或犯其胎氣，令兒破形殞命。如刀犯者，形必傷；泥犯者，竅必塞；打擊者，色青黯；繫縛者，相拘攣。如此等驗，有如指掌，不可不慎也。

孕元立本章第五

有泰初有泰始，混沌一判，既見氣矣。故曰：泰初既立形矣。故曰：泰始氣初形始。天地相因，生生化化，品物彰矣。故曰：大哉乾元，萬物資始，至哉坤元，萬物資生。

吳視註云：混沌未判，則氣形俱混。混沌既判，則氣形已分。既見氣矣，是為太初。既立形矣，是為太始。太初者，凡有氣之所本。故天得之以統元氣，太始者，凡有形之所本。故地得之以統元形。天地交泰，相因為氣形。生生者得所以生，化化者得所以化。品物流行，而形色名聲彰矣。大哉乾元，太初之所寓也。故以萬物之資始為言。至哉坤元，太始之所寓也。故以萬物之資生為言。惟萬物資始資生於乾坤，故乾元則兆象，三坤元然後形無不成。

有生之頑，雖陽予之正，而充之必陰，為之主。

薛左丞註陰陽雜合論曰：天覆地載，萬物方生。未出地者，命

曰陰處名曰陰中之陰出地者命曰陰中之陽陽子之正陰
爲之主王水謂陽施正氣萬物方生陰爲之主群形乃立字
說始而生之者天地也育而克之者人也

因形移易日改月化坤道之代終也
列子周穆篇尹文先生曰因形移易謂之化莊子曰子方篇
混元曰消息盈虛一晦一明日改月化日有所爲而莫見其
功易坤卦文言曰地道無成而代有終也地之承天其無成
而有終也豈迫於不得已耶蓋道之所在萬物失之則死得
之則生有生之類聽命於此故無成而代有終者以道言之
也

謂之姪陽既受始陰壬之也壬子謂之姪字說

壬一陽也二陰也陽既受始陰壬之而謂之姪解曰壬陽水

之干也位在亥子之間陰至亥極矣陽復受胎而謂之姪於
壬至子然後生

謂之胞已爲正陽陰包之也

已正陽也而陰能包之陰與陽更用事故也已者孟夏之月
於卦爲乾純陽用事故詩謂之正月正月者正陽之月也陰
方用事而爲物之主則雖正陽亦在所包而退聽焉

謂之坯未成爲器猶云坯也

說文瓦未燒者謂之坯胚婦孕一月也字說坯未成爲器猶
坯也

謂之胎既食於母爲口以也

說文胎婦孕二月也字說元胎既食於母爲口以焉
若娠則以時動也

字說女娠以時動。若懷則以身依之也。

字說心所懷則身依焉。目錄焉。

天之德地之氣陰陽之至和相與流薄於一體。

靈樞經曰。天之在我者德地之在我者氣。德流氣薄而生者也。

唯能順時數。謹人事勿動而傷。則育之道得矣。

自一月積之。至於十月。所謂時數也。保衛輔翼。防閑忌慎。適其宜。所謂人事也。

觀四序之運。生長收藏。代出萬物。儀則咸備。而天地之氣未始或虧者。蓋陰陽相養以相濟也。

陰陽離合論曰。天覆地載。萬物方生。一子之正。陰為之主。故

因春生。因夏長。因秋收。因冬藏。失常則天地四塞。莊子天地篇曰。流動而生物。物生成理。謂之形。形體保神。各有儀。則謂之性者。曾不知此。乃欲拂自然之理。謬為求息之術。方且推生死於五行。蘄補養於藥石。以偽勝真。以人助天。雖或有子。孕而不育。育而不壽者。衆矣。昔人論年老有子者。男不過盡八。女不過盡七七。則知氣血在人。固自有量。夫豈能逃陰陽之至數哉。

天真論帝曰。有其年已老而有子者。何也。岐伯曰。此其天壽過度。氣脈常通。而腎氣有餘也。此雖有子。男不過盡八。女不過盡七七。而天地之精氣皆竭矣。註雖老而生子。子壽亦不能過天癸之數。

凝形殊稟章第六

天地者形之大也。陰陽者氣之大也。惟形與氣相資而立未始偏廢。

莊子則陽篇太公調曰。天地者形之大者也。陰陽者氣之大者也。氣以形載形以氣克。惟氣與形兩者相待。故曰相資而立未始偏廢。

男女構精萬物化生。天地陰陽之形氣寓焉。

係辭曰。天地細縕萬物化醇。男女構精萬物化生。

語七八之數七少陽也。八少陰也。相感而流通。故女子二七天癸至。男子二八而精通。則以陰陽交合而兆始故也。

岐伯曰。女子二七而天癸至。任脉通。衝脉盛。月事以時下。故能有子。男子二八腎氣盛。精氣溢。瀉陰陽和。故能有子。傳曰。女子十四有為。人母之道。四十九絕生育之理。男子十六有

為人父之道。六十四絕陽化之理。

語九十之數。九老陽也。十老陰也。相包而賦形。故陰窮於十。男能圍之。陽窮於九。女能方之。則以陰陽相生而成終故也。

字說陰窮於十。圍之者男。陽窮於九。方之者女。九有變也。女足以方之。十無變也。男足以圍之。解曰。男有室。所以圍陰於外。女有家。所以方陽於內。易曰。婦人之吉。從一而終也。夫子制義。從婦凶也。圍圓也。君道也。夫道也。圓則可以制義而行。方仁也。臣道也。婦道也。方則從一而已。男從圍與規。從夫同意。女從仁與臣。從仁同意。

元氣孕毓。皆始於子。自子推之。男左旋。積歲三十而至巳。女右旋。積歲二十而至巳。巳為正陽。陰實從之。自巳懷壬。男左旋。十月而生於寅。女右旋。十月而生於申。申為三陰。寅為三陽。而生

育之時著矣。其稟賦也。體有剛柔。脈有強弱。氣有多寡。血有盛衰。皆一定而不易也。

十九難曰。男生於寅。寅爲木。陽也。女子生於申。申爲金。陰也。楊氏註云。元氣起於子。人之所生也。男從子。左行三十。女從子。右行二十。俱至於巳。爲夫婦懷妊也。古者男子三十。女年二十。然後行嫁娶。十月而生者。男從巳左行。至寅爲十月。故男行年起於丙寅。女從巳右行。至申爲十月。故女行年起於壬申。

以至分野異域。則所產有多寡之宜。吉事有祥。則所夢各應其類。是故荆楊蒲壤多女。雍冀厚壤多男。熊羆爲男子之祥。虺蛇爲女子之祥。是皆理之可推也。

周官職方氏。揚州其民三男五女。荊州其民一男二女。雍州

其民三男二女。冀州其民五男三女。詩斯于篇名。吉夢維何。維熊維羆。維虺維蛇。犬人占之。維熊維羆。男子之祥。維虺維蛇。女子之祥。

胎化之法。有所謂轉女爲男者。亦皆理之自然。如食牝雞。取陽精之全於天產者。帶雄黃。取陽精之全於地產者。

千金方轉女爲男。丹參丸。用東門上雄雞頭。又方取雄黃一兩。縫囊盛帶之。本草丹雄雞。補虛溫中。通神殺毒。其肝補腎。其冠血益陽。雄黃人佩之。鬼神不能近。毒物不能傷。

操弓矢藉斧斤。取剛物之見於人事者。氣類潛通。造化密移。必於三月兆形之先。蓋方儀則未具。陽可以勝陰。變女爲男。理固然也。

巢氏論云。妊娠三月始胎。形象始化。未有定儀。見物而變。欲

得勇者操弓矢。食雄雞。

氣質生成章第七

具天地之性。集萬物之靈。陰陽平均。氣質完備。咸其自爾。然而奇偶異數。有行有耗。剛柔異用。或強或羸。血榮氣衛。不能逃於消息盈虛之理。則稟氣之初。詎可一槩論耶。是以附贅垂疣。駢拇枝指。侏儒跛蹙。形氣所賦。有如此者。瘡瘍癰腫。聾盲瘖瘂。瘦瘠疲癯。氣形之病。有如此者。然則胚胎造化之始。精移氣變之後。保衛輔翼。固有道矣。

孝經云。天地之性。人為貴。書泰誓曰。惟人萬物之靈。

天有五氣。各有所湊。地布五味。各有所入。所湊有節。適所入有度量。凡所畏忌。悉知戒慎。資物為養者。理固然也。故寢興以時。出處以節。

六節藏象論曰。天食人以五氣。地食人以五味。王冰云。天以五氣食人。春臊氣湊肝。焦氣湊心。香氣湊脾。腥氣湊肺。腐氣湊腎。地以五味食人者。酸味入肝。苦味入心。甘味入脾。辛味入肺。鹹味入腎也。

可以高明。可以周密。使霧露風邪。不得投間而入。因時為養者。理宜然也。故必調喜怒。寡嗜慾。

